

0
1cm
2
3
4
5
6
7
8
9
10
11
12
13
14
15
16
17
18
19
20
21
22
23
24
25
26
27
28



浙江圖書館



浙江圖書館



浙江圖書館



浙江圖書館



皇明名臣琬琰錄卷之二十四

劉長吾墓表

陳祚公墓表

劉公季道墓誌銘

王府君佐墓誌銘

崔公仲玉墓誌銘

崔公行狀

按察司僉事陳君墓碣銘

廷嘉陳先生墓表

瑯琊

王世貞續編



楊士奇

吳寬

胡廣

薛瑄

薛瑄

楊士奇

王慎

浙江圖書館



劉廷美傳

南山黃公墓碣碑

楊守成

靜齋邵先生墓表

李東陽

允巽鄭先生墓碑銘

王 慎

姚君秀夫墓誌銘

邵 寶

山南葉公墓誌銘

王 度

立齋宋公墓表

林 俊

按察司僉事尹公墓誌銘

李東陽

按察司僉事蕭公墓碑銘

吳 寬

按察司僉事蕭公墓誌銘

李東陽

浙江圖書館

按察司僉事楊君墓表

王鏊

浙江圖書館



珍
刊
錄



浙 江 圖 書 館

故廣西按察僉事劉長吾墓表

楊士奇



永樂壬寅十二月十八日廣西按察僉事劉長吾卒於北
京長吾吉安永豐人發身永樂壬辰進士永樂以來進士
歷七科唯辛卯壬辰兩科取士最少就試皆三千人而所
選皆不過百人然兩科之士其初擢官顯要者最多至其
後有政譽者亦多長吾其一也長吾諱某以字行系出晉
安成太守劉遐世業儒祖思恭父子碩母李氏長吾幼穎
異好學治書經年二十九舉進士歷事都察院踰年擢廣
西按察僉事長吾居官有廉潔之行達於大體為政簡而

浙江



浙江圖書館

福建等處提刑按察司僉事吳縣陳祚公墓表

長洲吳寬撰

宣宗章皇帝之臨御也知人善任小大之臣各當其才庶
事既康四海益治時則有若監察御史陳公祚出巡江乃
獨為聖學之慮且䟽馳奏大畧謂帝主之學先於明理在
於讀書蓋聖賢嘉言善行載在典籍皆是以為後世師法
若非素加講習則於理未盡明雖有生知之質高世之見
欲其行事之悉合於道者鮮矣陛下備有聖德惜經筵之
典未甚興舉講學士之功少有程度故所講者雖得於此
或未得於彼雖知其一或未知其二而於聖賢精微之蘊

古今治亂之由豈能周知而洞察乎而所謂學尤貴乎知
要知要則治功易成而效可得惟宋儒真德秀大學一書
其言明白懇切凡聖賢之格言古今之實跡無所不載陛
下欲致太平舍此書不可願於聽朝之暇命儒臣講說非
有大故不可間歇使知孰為邪佞之可遠孰為民利之可
興孰為民害之可革古今若何而治若何而亂政事若何
而得若何而失必能開廣聰明增光德業而忠賢以道義
輔德者愈見於信任邪佞以奇巧蕩心者自見於踈遠天
下之民受福無窮矣上覽公奏已有以欲邪佞等語若有
所指者疑焉他日以問侍臣或叩首為婉詞以對且謂作

緣於忠愛所發無他上意稍解先是有旨械公赴京拜籍
具家比至至竟不忍加刑特繫之獄英宗即位察公忠直
復其官盡還其家屬云公諱祚字永錫世家于吳曾祖翠
而祖正父子敬母顧氏公幼即不郡弱冠補郡庠生永樂
初詔脩大典以善書預選非其志也明年遂以春秋領鄉
薦又二年登進士第入翰林為吉士時方重進士科即拜
河南右叅議為政持大體惠愛在民嘗與臬司官交章言
事謫均州太和山佃戶至則躬自耕作其勞苦有人所不
堪者而處之裕如同謫士大夫遣子弟從受經一為講解
不倦凡十年仁宗即位念謫者才多可用詔吏部選起之

公在選中會上晏駕不果用宣宗初年仍命憲臣即均州
郡試之公策第一吏部覆試復第一特擢山西道監察御
史公在言路愈自激厲一時彈劾貴幸為之斂跡出巡福
建糾貪黜庸自方嶽而下不少假借所至尤恤民隱福州
屬縣民苦上官和買破產不足供公廉知其弊即日禁之
民大稱快歲滿還朝奏開白塔河漕粟事宜悉見施行未
久河就湮塞劾督工役者上雖曲宥其人而在廷多公直
既乃有江西之行而繫獄者幾年始獲復官再巡湖廣
風力愈勁部下肅既而言遼王不法事上怒甚復械赴京
論死未幾事竟驗卒直公原之因改南京雲南道益務見

明戶部侍郎吳奎奏舉主事吳悅悅有過不得舉璽被劾
鞠獄者因以私憾附致其罪悅亦不勝考訊而死公歎曰
獄重事也法司故為深刻乃爾今災沴荐臻職此之由乞
坐其人以變亂成法罪大理依何宜併罪之奏可以犯在
赦前幸皆不坐仍敕天下法司一遵律斷當以徇私深文
為戒秩滿用大臣薦擢僉福建按察司事閩人素知公至
是相戒不敢犯法諸軍衛屬民者八痛繩之民益安焉分
巡興化漳泉等郡郡舊多神詞為考其建置之由諸不載
祀典與非古節義繫民教者悉除毀之其廟學壇宇出官
帑一新士民感之為記刻于石久之寇起沙尤諸郡騷然

公時移疾不出刑部侍郎薛希璉巡撫閩中知公賢強起
公為力疾視事者數月閩既無警辭曰其身蚤歲即涉仁
途雖庸陋無補苟有所見不敢不盡今年幾七十且病無
能為矣因疏請致仕時同官以寇起皆貶斥去乃獨得請
而歸閩人雖不忍去分而亦為公榮之既歸自號退翁杜
門却掃日惟以訂經籍立家法為事益年七十五而終景
太七年二月癸丑也以是年十二月庚申葬於吳山桃花
塢之原配王氏子男一日寧新野王府教授女二長適辰
州知府鄒順次適太常少卿凌信孫男二曰懷曰悅悅郡
庠生女一公為人風神整峻音吐剛厲平生雖疾惡少容

然居官遇賢能吏輒薦舉之尤號有識鑒出巡時兩值鄉
舉如湘陰魯文甫陽河潛賴公鑒臨得不枉抑後皆知名
於世若其他事死之孝治家之禮臨財之義為學之勤益
終其身如一日者其詳國有志家有傳墓有銘可以槩見
寬獨循教授君之情按中書舍人李君應禎之狀節其處
之大畧表于墓道而復系之曰嗚呼公平古之遺直也其
中誠激發與唐劉去華等而考其前後殆有甚難者蓋方
脫均州之謫士之厭窮阨者孰不縮首卷舌退藏於後以
自全能復進言已難矣况言之所指隱然時弊以取必犯
之禍是固尤難也幸其出一生於九泉雖古之好奇節者

知府懲艾而藩府之疏不旋踵而入此不亦尤難矣乎夫去
華之言雖劉切止於一落第不藕公言若少緩其禍則大
至其剗之而氣愈壯推之而節彌堅此可見其中卓然有
得而非沽一時之名僥倖苟且以塞責者之所為也孔子
曰邦有道危言危行抑下惠曰直道而事人公其有之

浙江

圖

故奉議大夫浙江提刑按察司僉事劉公墓誌銘

胡廣

國初廬陵諸君子仕於朝其聲光炳耀卓然為時所稱譽者無慮數十人而劉公季道其一也公以明經被薦初拜起居注遇事知無不言竭盡誠悃首發御史大夫陳寧奸深為

上所信重嘗隨

駕幸中都度清流關

上賦詩命百官和公獨先就有治定不教生縱逸功成猶遣歷間關之句

上覽之曰有安不忘危之意賜白金二十兩綵段二端未

幾拜浙江提刑按察僉事決積歲治獄六百餘起有牽於
文繫者平反尤多民以無寃咸嗟服之此其卓然有聲稱
者竟為陳所御傳致其死時洪武六年月日得年四十有
九公諱宜正季道其字其先沛人唐末自沛官袁五季之
亂由袁徙吉居永豐灞溪曾祖諱某兩領宋漕舉授新淦
縣丞祖諱某恒山縣令父諱奇相元至治癸亥領鄉薦為
東湖書院山長吉安路儒學正撫州路儒學教授母張氏
公居幼穎敏過諸兄八歲隨父居東湖讀書聲琅琅聞于
外賓客往來應對閑習人多譽之九歲喪母哭泣逾哀十
三喪父居喪毀瘠不勝始事鄉先生劉惠心繼從山泉解

先生二先生咸異之時郡守開堂試公年十八就試中高
等獲綵綺二既而持所學試于有司再不利有得其文讀
之曰如此而見擯年命也季道 辱公曰吾學未至耳非
有司病吾元季天下繹騷其友梁某為福建招討託致其
母扶持兵革間出艱難致其母子相見某拜公曰微公其
孰能致吾母終身不敢忘德嘗與姻戚居逆旅忽得疾公
親為調藥餌既死公抱之而哭解衣葬之所遺金悉以歸
其子兄弟四人長皆先沒惟仲兄存公迎至家養之比其
沒塋祭皆盡其情無子以次子為其後公娶邑曾氏賢而
有婦行自公沒惟以教子為事子三人長曰忠次曰勗幼

曰肅字子欽子欽登永樂二年甲科為名進士入翰林為
庶吉士其文學為儕輩所推讓女一人適某孫男九人女
二人距公沒三十餘年將卜塋于某山之原子欽始以狀
未請銘謹按狀而銘之銘曰

書

嗚呼劉公挺然之英政事文章焯有時稱發奸之言揚于
大廷巨蠹一聞膽落魄驚諷辭戒逸治定功成至誠有動
錫賚寵榮載歷風紀激濁揚清事有失頗公其平伸抑理
仕獄無歎聲奸臣御公頃不忘情傳致公死惡害公生生
有不沒死則公寧公天既定彼奸曷勝以磔以裂

八子聖明公憾既釋烈日薄冰彼奸鬼蜮公猶列星有燁

其芒南極長庚伊彼鬼蜮稔其穢腥有北豺虎以草不憎
公有令子式克繼承以昌家學甲科聿登庶或在茲報公
冥冥有封如堂以妥公靈妥伐貞石鑱不朽銘百世之下
斯文是徵

浙江圖書館

浙江圖書館



浙江圖書館

故奉訓大夫僉提刑按察司事王府君墓銘

濠梁王佐其先府君之歿越六年矣今奉工部主事杜君環狀來徵墓門之銘不覺為之愴然而悲蓋當

皇上飛

龍淮甸定鼎江表弓旌四出旁招俊又濤時應聘而起擢

典儒臺而府君亦杖策轅門思知勛業自砥礪薦紳之士

多副目禮之濤雖不泛與人交聞府君崇論却議亦未嘗

不傾卑而聽及退每自愧自歎以為弗能及自後離合靡

常迨濤再召入禁林府君已作土中人載感疇昔銘歆不

作可乎按狀府君諱濤字習古濠州定遠人曾大父某大

父某皆肥遯丘園人號善士父子良敏給而多智定遠令

酷愛之俾為書佐未幾補吏尉司遷霍丘縣以積勞升安
豐府史達官知其能辟為河南行省理問掾未命而終也
蔣氏府君嗜讀書知彞倫大義習為聲詩音節韻趣皆有
法推擇其定遠縣吏出謀發慮皆中肯綮令長以賓禮遇
之元季政乖豪傑並起府君拊髀歎曰事急矣保宗族以
拯黎民可也乃走穎毫說其軍帥曰民罹虐政不得已起
為亂矣當思有以靖之虔劉人以逞所謂如水益深如火
益熱者也無乃不可乎軍帥聞其言以為才交薦之擢萬
人長五轉至工部尚書非其所好也當是時盜稱名字者
烏合之衆散漫無統所經之處唯務焚掠千里為荒墟

滑君察之度必無所成謂所親曰區區豈欲從戎哉奮不

顧身出編虎鬚者志歆生烝民也今若是猶魚游釜中耳

竈火已燃尚自謂得計耶吾聞真主已建都金陵寬仁

愛人四方之民爭引領望之不去禍將及於是乘間繫家

南渡府君之婦兄大師李韓公善長時已在上左右亟

言之召見於青龍殿與語大悅會新設執法議理司方

將選人以授遂詔為執法官府君悉心詳讞務協厥中

人稱為平允丹陽令白齊因公致罪當棄市府君以情可

矜恕敷奏上前得貸死知應天府王子謙坐事械梁

者久府君惜其材議從未減由是上簡注之深陞為中

簪且纓正色立於庭我竭其誠嗚呼唯行之腴契道之符
不亟不徐循序而詳趨其亦有識之吉士也歟

浙江圖書館

明故奉議大夫山東按察司僉事崔公墓誌銘

薛瑄

山東按察僉事崔公卒于官將返葬故鄉其弟理奉公行
狀請銘于其兄同官河東薛瑄謹按狀公諱碧字仲玉永
平昌黎人大父彥名祖妣齊氏名有隱德鄉人嘗被兵無
食彥名以其家積穀千餘石貸與之食兵息取券焚棄一
無所責償父得毋齊氏生四子長即公次叔琮次叔璘次
即理公少有美質大父母父母時愛之遣充縣庠弟子員
習經史舉業中永樂十五年鄉試登辛丑進士第宣德初
拜交趾道監察御史立事舉職強幹不屈籍籍有聲逮國

家推恩例封父得文林郎交趾道監察御史母齊氏封孺
人時公大父母俱高年安好無恙父母又皆顯受衣錫公
嘗衣繡歸省于家祖子孫三世一門壽慶光顯鄉邦以為
榮正統紀元調行在江西道監察御史明年為廷臣薦擢
陞今職分巡部屬剔濯奸垢振挈紀綱事以無墜竟積勞
成疾以卒正統四年十二月二十三日也享年四十又九
矣先是公有疾因念大夫人已卒大父父母俱年老在故
鄉不得朝夕見愈憂思不置遣理往迎之既而大父暨御史
君俱弗克來獨母孺人至公輿疾迎郊外相持感泣不已
疾遂增革公初娶張氏早卒贈孺人再娶劉氏泰州同知

浩之長女封孺人公存日嘗命理之子善聚後已公沒理
如其命善聚甫四歲幼不任事理奉公柩歸以正統五年
四月初二日塋于故里司家庄鵲鳳山之先塋銘曰胡豐
其始胡畜其終命實為之嗟嗟乎崔公

浙江圖

浙江圖書館



浙江圖書館

浙江圖書館

山東按察司僉事崔公行狀

薛瑄

公諱碧字仲玉姓崔氏永平昌黎人大父彥名隱德不仕
太夫人齊氏父得母齊氏生四子長即公次叔琮叔璘次
理公生洪武二十四年十一月二十九日幼有美質其大
父母父母遣入縣庠讀書習舉子業中永樂十五年京闈
鄉試卒業成均登辛丑進士第宣德初授交趾道監察御
史當官蹇蹇有能聲正統紀元調行在江西道監察御史
明年為正統二年為廷臣薦陞山東按察司僉事分巡濟
南道勾稽文移欺瞞滯弛摘劄奸猾巧訐中傷大肅以威
而以寬濟之民吏咸畏服四年夏蝗生所部公行視督捕

立絕時大暑爍蒸遂感疾歸藥石攻砒百端病勢不可救
公病中念太夫人既先卒大父暨父母遠在故鄉且俱先
不可見因遣理往迎之獨齊孺人來公強疾迎郊外相見
哀感流涕疾益增劇是年十二月二十三日卒于正寢公
性孝友喜賓客雖貴不忘故舊故其卒也皆痛悼焉公先
室張氏繼室劉氏秦州同知之長女公存日常謂其弟理
曰以而子善聚繼我後公歿理如其命公父封文林郎交
趾道監察御史母封孺人先室贈孺人繼室封孺人俱以
公貴塋有日謹具公之家世歷官行事狀求作者以圖不

奉議大夫廣西按察司僉事陳君墓碣銘

楊士奇

嗚呼吾邑陳公延世何可多得也自其童冠時吾已期之
遠且大永樂初京師下第而歸也余為文勵之且舉公延
以勵楊陳及鄉人之子及公延取科第擢贊藩憲於是人
皆期之遠且大也蓋於其立身之艱勵志之確有以觀之
矣公延吾外兄陳仲述之子仲述在憲臺十年廉介之操
平恕之政焯著一時其卒也無一縷之蓄以庇其後仲述
子男惟公延一人父喪裁數歲母子依其叔歲餘母卒公
延栖跼躑躅困頓有人所不堪者然日益究知其父之行

進士福建道監察御史母曾氏鷗江先生懷可孫公延
娶張氏永州府學教授孟愷之女子男一异女一嫁楊靜
安孫男二儼傑公延每思念父母輒悲咽事其叔父母如
父母處其從兄弟盡敬愛慎交處於親戚朋友緩急必赴
於利未嘗苟取然能損已以周人其卒也貧如其父初其
父與叔同有先廬遺址頗裕父死叔之子益衆公延不能
繼延之赴廣西也過家拜叔或導之曰盍自言於叔可
少得也公延曰我無父又敢傷叔父意不言而去公延卒
後數年部使者至泰和聞其妻孥顛沛失所召詢其叔始
得尋仞地苟棲息焉可以觀其遺後者矣公延治詩春秋

為文簡當於辨議是非和正必自出意見不肯依隨善施
教其學者往往舉進士去蓋考其居家官無一行不當於
古人非用世之良者乎仕非不達笑而不久於位不究其
非可惜歟彼有蒙垢履汙無益有損於時而自少壯揚
揚至白首者又何理歟抑皆出偶然歟則有秉德抱才將
欲效於世者何所恃乎吾皆不得而詰也吾仕兩京四十
年今年始一至鄉里過公延家追憶其為人又徧求揚陳
兩家與凡鄉人之子弟有能少艱卓立如公延者皆不見
也益用憎慨因述公延平生大畧為銘其墓銘曰

吁廣右僉憲陳君之瑩其源之激其履之貞其歸之寧

路長顏短噫余其銘



浙江圖書館

江西按察司僉事陳先生墓表

王 鏞

先生姓陳氏諱遜字廷嘉台州臨海人也父某福清教諭
母虞氏先生生有異稟自少有志聖賢之學比長益深造
詣永樂戊子浙江鄉試己丑會試名皆在第一時 車駕
巡狩北京待橋門與蕭公時中輩倡和有橋門聽雨詩卒
卯廷試賜進士出身改翰林庶吉士未幾坐郎中盧信事
繫獄遭劇疾弟深入侍因感疾卒先生哀之然未嘗歸怨
於盧久之事白授檢討預修五經四書性理大全參攷漢
唐以來儒先之說折衷之而一以濂洛諸儒為準書成以

疾乞歸就醫杜門却掃者十五年方嶽大臣咸禮於其廬
郡守程侯賢周侯旭鑑尤敬事之民有歐某者以貧故誤
罹於法程欲寘重辟賴先生之言得減死周用法尤嚴頑
嚚弗卒者多杖殺之民懼求悛改周猶欲察其既往先生
曰改行從善此在小人所難而猶有不免恐絕其自新之
路頑民間之益感愧圖自新閭里有訟求一言為決士大
夫不幸無過而幸不見棄於先生蓋雖按間置散而能以
吾成其俗正統丙辰禮部聘同考會試竣事復乞歸執政
爲起之陞廣西按察僉事授 敕提督學政纔五閱月嶺
南數千里風化一新丁教諭公憂哀毀骨立廬于墓側服

除改江西江西士類素景其風爭自磨濯以求見錄學宮
舊有文昌祠悉命撤之滿三載懇乞休致既抵家益謝絕
一事惟以成就後學為務前後及門者多去為聞人顯官
推其平日所得於師者以用於時以不畔於道大率其為
教以躬行為本不徒在於文祠之末也先生博通經史為
文章典則為詩亦雅澹無綺麗語所著有集若干卷行世
先生家素貧而事母極甘脆母樂其養以壽考終而先生
亦年踰七十矣晚年家益貧然急於行義嘗戒諸子遇貧
乏者宜隨力賑之不必計其多寡若須富而後行恐吾儒
終無濟人之期知縣孫振望嘗往見先生顧其廬敝歎為

葺治且請令庖人繼肉先生皆峻卻之惟以毀淫祠除宿
弊數事為言曰使一邑安則遜也受賜多矣娶蔣氏繼蔡
氏子男四長旅由新淦訓導陞南京翰林孔目次賁次渙
癸酉貢士次睽女三孫男十四曾孫男一天順甲申今
上登極詔進階朝列大夫明年成化改元正月癸酉先生
卒春秋八十有二其年十二月庚寅葬梅浦蟹坑山之原
旅既求文以銘其墓矣至是先生之門人監察御史括蒼
趙璉又屬予表其墓曰嗚呼理學之不明于時久矣士方
窮時縞章繪句以求合程度為工其幸而中有司程度又
惟展采錯事以期陟華要為榮其於所謂窮理以盡性行

義以達道蓋非徒不知為而亦不暇為也先生自永樂宣
德以來以理學倡明于時其立朝之日雖淺任雖未至於
通顯然天下士皆知有先生名一時稱功名之盛語文章
冢或貌畏而心不敬而獨於先生知嚮慕焉然卒未聞有
率而由之者豈故習易而抑其所謂嚮慕之者或未之篤
耶予故列而書之以重為來學勸云

浙江

浙江圖書館



浙江圖書館

劉廷美傳

劉珏字廷美長洲人宣德中郡守况鍾簡名家子為掾珏
在選中珏言有志於學不願為吏鍾嘉其志遣補縣學生
遂領應天鄉薦授刑部主事遷山西按察僉事提督屯田
年甫五十懇乞致仕珏性孝友恭謹未嘗失色於人然操
履清白人不得以私干之至於好學之心老而不倦尤工
唐律對偶清麗當時稱為劉八句行草師李邕畫師王叔
明皆能得古人筆意所著詩曰完菴集

浙江圖書館



浙江圖書館

湖廣等處提刑按察司僉事南山黃公墓碣銘

四明楊守成撰

山環吾郡而其南若金金峨諸峯尤峻秀先生樂之故自
號南山而學者稱南山吾先生無異先生嘗仕有官階矣
皆不稱其官獨舉其號而先生之者崇其道也先生之道
性于天而成于自得其學以聖賢為一鵠以知行為兩輪
常曰學聖人一分便是一分好人又曰明在務在讀書制
行要當謹獨此其所以學而道也方其少時已負文行之
譽及其壯強益修耄老不懈德足重於衆功足昭於時言
足立於世其可謂有道而甚文者歟先生諱潤玉字孟清

世為鄞人曾祖長卿仕元蠡浦巡檢祖啟翁隱卿授徒父
良以先生貴贈文林郎行在交趾道監察御史母嚴氏贈
孺人生母史氏封太孺人先生方五歲侍母病夜不就寢
家人已稱其孝六歲就坐立屹然不與郡兒狎書過目輒
成誦師竒之十歲行道遺金不拾途人悉嗟異歲十二聞
郡守王公璉肇舉鄉飲酒禮于郡庠往觀之默識其儀歸
書于冊師愈竒之歲十有三時改元永樂命江南富民實
北京其父當行先生詣官請代官少之對曰父去日益長
官異而從之年抵京授廩北城外十里所沙漠寒沍茫無
人煙先生與同役築室成比閭傾訾給徭賦懇圃鬻蔬以

為生人不堪其劬瘁先生安之稍隙輒肆力於學以已心
為嚴師而蘄造于賢聖擇然後語確不可易焉揆然後動
端無所苟焉京有富翁僅一女招先生寓宿其家而同賈
先生辭或問之曰瓜田不納履也其慎行若此里中弟子
多從之因數且學間為文辭不作組麗蘄刻之語而里致
淵永人喜誦味之補郡庠生京闈鄉試擢禮經魁會試授
建昌府學訓導丁文林公憂改訓南昌府學蔚有聲績薦
拜行在交趾道監察御史出按湖廣罪斥番臬縣之不職
者至百有廿人威望赫然英廟即位以學政衰弛命廷臣
舉有學行者為憲臣以董之楊文貞公以先生薦遂陟廣

西按察司僉事屏浮薄獎俊賢士風丕變時寇起軍興都
指揮吳某妄掠子萬餘口先生劾而歸之副使李立入民
死罪且數百人亦為辨出之萬口稱快南丹衛在萬山中
瘴甚戍率歲死或幾平為奏徙於夷曠之地人感之至今
丁史孺人憂改湖廣按察司布憲亦嚴巡撫都御史李實
張甚藩臬皆折節下之先生獨無加禮而連黜墨官二人
又皆其鄉戚也故發憤誣奏先生不諳刑律先生弗辯也
左遷和州含山知縣浚麻湖以復逋租閣廬塲革其積弊
徭均訟平民感悅之請老致仕尋以子隆貴封承德郎南
京刑部廣東司主事閒居簡出日惟玩味經義無厭足平

生著述甚當以朱子嘗欲編禮記附儀禮迺取儀禮析為
四卷而以禮記比類附之不類者附諸卷首末亦各有意
義又以五禮獨缺軍禮因取周官大田禮補之而以禮記
諸篇載田事者附焉別為一卷通五卷皆為之註釋總曰
儀禮載記附註以小學四書諸經註家或遺或誤經書補
註以大學中庸音皆淵奧撰庸學通音以禮記深衣制十
有幅鄭氏誤註為裳而玉藻長中繼掩尺註亦誤撰考定
深衣古制以四明新志蕪穢撰寧波簡要志以道德經陰
符經古註皆昧各為之註嘗因安遠候柳溥問古兵法為
註孫子其他倫論理事曰南山錄雜著詩文曰稿皆藏之

家居二十載壽八十有九而卒詩成化丁酉五月二日也
卜某年某月某日葬某處陰具狀屬余銘嗚呼詩有之雖
無老成人尚有典刑老成人之重於典刑也尚矣吾鄆風
俗自古樸淳大里之高節董溪之純孝可徵也宋慶曆淳
熙以來諸老傑出表以馴行闡以正學旣駸駸于古矣有
國初士猶修德行礪名節尚道學而文藝仕進不甚貴之
逮于今則文藝日以盛仕進日以繁而向所謂德行名節
道學者或莫知省於是老成人凋謝盡矣而先生巋然若
魯靈光之獨存後生小子有志於古者尚可憲而乞焉今
亦已矣噫可痛哉先生性剛介寡交游其所稱許者四方

若李文毅公時勉薛文清公瑄不過數人而鄉邦尤鮮獨
與守陳祖考栖霞先生雖顯晦不倫而道德相契往還間
人見兩先生皆偉貌豐髯莊重嚴敬畏之若神莫敢即談
惟性道之淵文辭之奧未嘗一語及世故守陳少撰杖履
侍側聞緒言為多長興隆周舍講學且久逮先生歸老尚
時獲親炙之故知先生為宜隆之以銘屬之也先生室范
氏封孺人贈安人繼室以舒氏五男長性永新訓導次教
次道宣義即次隆以進士累官四川按察司副使廉毅文
雅政聲章甚次達國子監生孫男廿有七曾孫男十有九
先生位不滿德而年齡之高子孫之顯且衆若償之矣况

又有不朽者在乎銘曰在古聖人未始不學其學伊何道
德孳獲為勲勞著為言議以澤當時以覺後世譬彼天道
生物為心霆雨發育日星照臨是二道者蓋難乎備姬孔
至哉程朱其次爰及君即二敏豐清敏高憲敏四先袁揚
舒沈深寧王應麟文潔黃東發亦各有傳晚生黃公天性
孔懿自其少時已克孝義而好學斯夕簡心驗躬履誓趨
聖賢門理在書謹行于獨發是二矢射彼一鵠乃齒鄉論
乃作校師道尊教洽厥聲四馳迺陟於朝六察是職茹雪
噬水集翔鷹繫天子曰咨學政日靡慎簡憲臣俾振而起
八桂成林丹徼之極鳩舌弁裳在泮挾策先生不鄙示之

周行沃醉俾醒瞽豁而明徒泣湖湘專典臬事駑車所歸
風聲逾厲彼貴方逞我守其恒呶訾慄斯則匪我能巧詆
既成用宰百里斲楹為榱大匠斯喟素位安命何有怨尤
利興害去惠仁滂流尚丹其心遽白其髮飛不盡翰歸休
于樾有子克肖亦多其冠孫曾螭螭敬恭暄寒閒居簡游
舊著是閱漬墨磨丹之死不輟儀禮為經傳惟戴記合而
註焉晦翁之志經書補註庸學指歸有刊彼誤有拾此遺
道德陰符暨孫武子亦各註之以闡厥旨深衣制幅誤註
為裳千載之謬一朝用章格言孔多厥有別錄餘文暨詩
亦溢于櫝古者不朽惟懿功言先生庶乎鄉之前賢嗟彼

蚩蚩孰寵與利紆朱懷金以炫于世奄其遊矣湮滅無聞
孰與先生身亡名存我銘斯丘匪但焯德且以砭愚庶其
有擇

浙江圖書館

明故奉議大夫雲南按察司僉事致仕邵先生墓
表

李東陽撰

東陽髫時籍順天府學為生靜齋邵先生典教事俯見甄
獎訓厲特至及先生以按察僉事致政歸旋棄館舍而東
陽不能一拜哭于几筵之下心竊愧之越二十有二年先
生之子莊為工部主事扶太宜人喪歸念先生墓石宜表
請為不朽計又三年莊改授刑部而文尚未刻嗚呼東陽
寧忍為先生沒哉先生姓邵氏諱玉字德溫其先寧波慈
谿人也四世祖承事即馮二府君徙居鄞曾祖維乙祖子

文考敬先先生為縣學生舉宣德十年鄉薦正統元年登禮部乙榜授汝州學正歷遷南寧河間二府學教授合九年考最吏部遷順天始以京秩入流品會 朝廷命大臣會薦可為按察督天下學校者先生用兵部尚書馬公昂薦超擢雲南僉事兼督貴州未幾陞馬傷足遽謝事以去居十有餘年乃卒先生生永樂五月十二日卒以成化五年十月十六日壽六十有三八年某月某日墓勤之清道鄉高車頭之原先生學本諸經博涉史傳文章典雅有法氣象嚴毅行甚謹不苟為酬 為教必先孝弟忠

三者期以磨濯士行為天下用 順天雖不久任諸生思

之至今繼教者皆莫及焉在雲南不遐遺其人凡所按試
冒險阻窮歲月未嘗色倦三應聘為考試官山東西俱號
得士而江西得故侍讀彭公教為解首若今學士張公元
禎禮部侍郎傳公瀚董公越祭酒羅公璟皆時名士鄉榜
之盛無與為比信天下之良有司也嗟夫作人選士之典
在國家為最重今倚席以教定額以試曰是足矣求才
稱其職竭志力以圖于成者幾人哉閱世寔久人才不
易得前輩之不可復見柰之何不為先生悼也謹以是表
諸墓先生在汝設饘粥以救飢民在山東有士子囊金求
舉年弗納在山西作誓心詩以見志在雲南見道傍群婦

稱夫死戍携幼而啼飢者督有司籍廩於官此其懿

行善政在人耳目者因附生初娶莊氏生子康及女

二人次娶宋氏後復娶太宜人莊氏性孝謹舅老失明奉
養於官手製養寡母趙并夫黨陳姬終其身鄉人妻

從戍者病為之館穀待其差而遣之有市首餽者直

百金先生曰汝欲之乎曰使婦餽百金為之夫者難乎其
為庶矣生子莊以母氏名舉進士為今官不忝家學以

恩詔進公階奉政夫大修正庶尹封母為太宜人女亦二
前莊氏祔先生墓例不得封今太宜人亦合祔于左故又
附書之

廣西按察司僉事致仕鄭先生墓碑銘

王歟

先生姓鄭氏諱觀字允巽初字尚賓常州武進人曾祖諱
某祖諱通甫考諱銘以公貴贈文林郎江西道監察御史
妣戴氏贈孺人三子先生其季也天賦敏穎甫能言見母
將食河魷遽止之曰兒聞此魚有毒能殺人家人驚異知
其不允既而考妣相繼歿伯兄允孚長育之延師教之弱
冠以兄命居蕭田別業治隰田數百畝躬卒僮僕播種歛
獲區別疆理井然有緒雖甚勤苦而學無怠廢時即著姓
嚴思道死有遺孤女其妻孫氏守節求得婿能終養者聞

卿蔣公為陞廣西按察司僉事分巡蒼梧諸郡其行事無
異齊魯徕獠獠兩奉命參贊副總兵田公勦平之 朝
廷亦兩遣使齎多襲衣寶鏹為賜時柳侯方開府廣有見
先生執弟子禮每事必請先生亦隨問而答咸有規益至
於餽遺之禮則深拒弗納景泰庚午入朝遂乞休致時年
六十一天順甲申授詔例進階朝列大夫蓋在仕途者二十
年比歸林下又二十年以成化庚寅十二月二十七日卒
秋八十有二卒之前夕猶命諸子具酒飲至丙夜不寐
命具紙筆為鄉先達丁約之作贊口占授冢子畏曰
此第書之吾不能親書矣黎明命輿至中堂危坐瞑目而

諸子始扶就親閱三日始歛容色儼如平時噫茲非所
俯仰天地浩然無愧者乎先生為人稟性剛方識量恢
自處困乏以至居貴顯始終一致華美之服珍玩之器
日性所不好既謝事即別荆一室貯粟百斛名存餘倉將
以供祀謂嘗存其餘久之遂以周貧每歲訖無餘輒復繼
焉有假貸不責其償人有患難拯援之不待其請親交過
從款洽無厭睦宗和族義逾篤然於教子孫則一以嚴毅
子三人岳白侍側不假辭色遇諸卑幼隨事箴戒肅然慄然
無不拱服而見之者率銷沮其奢豪蕩佚之心嗚乎老成
邈矣典刑猶存晚生後進不有聞風而興起者乎先生祖

塋故在鄣北三里許塋側有田纔數十畝始自壯歲經理
開拓積五十稔至羸二頃營構廬舍移家居之蓋舍在墓
右居之左為祠堂三間其西北隅塋從姑洎外母孫亦構
堂三間扁曰雙節堂右有燕毛亭頤壽堂務本堂大抵皆
從朴素俾子孫可以世守故既植碑刻 賜勅其上復為
規戒如世所謂遺言者勒之碑陰使顧諟焉周匝墓廬環
植果木竹樹動以萬計居常暇日曳杖逍遙其間因自歎
曰凡此基業皆先世所有而失之者吾於中葉僅能興復
因取易復之六二中行獨復之義自號中復老人先生博
覽經傳而尤熟於史為詩文冲澹簡易不事刻琢所著有

中復存稿休耕閒話至於篆楷書法亦臻其妙配嚴氏妾
孫氏王氏子五男畏戒謹嚴出默孫出存王出二女蔣恂
高復享其壻也孫四男綸經維緯三女初先生之歸也畏
方舉賢良為建寧府經歷謹中鄉薦任贛州府通判獨戒
侍左右未幾畏亦謝事歸比先生歿而謹亦致仕鄉人榮
之畏敦尚古道人謂其綽有父風先生既卒之明年十二
月某日其諸子奉柩塋所居杜巷村先塋之次今十年矣
建寧頃持其從弟知灤州鶴所述狀來屬銘吾兩家居同
里開先君子長公一紀嘗同仕於朝同歸老於家而予
亦從其諸子遊故不辭而序以銘之銘曰
世降俗媮

士鮮聞過與時推移出處異操維公卓然古訓是師德義
孔時窮養達施仕有備績 帝有寵 不待年惟義所
在杜巷之圃林木茂繁相佯扶携亦蕃子孫亦有世祿以
供滄漚壽考令終俯仰無愧封域隱隱其安其藏明誓耿
耿有碑其旁咨爾後人毋食示訓嗚呼先生無窮之聞

奉議大夫湖廣按察司僉事姚君墓誌銘

邵寶

湖廣按察僉事姚君秀夫既卒之二年其子伯生狀君事
來請銘予與君同舉進士相知為深昔在貴溪予既吊哭
之銘固弗容遜也君諱文灝秀夫其字自號翻東野人晚
更號學齋世為信之弋易人其先有自立者徒貴溪東山
至本正始膺貢為太學生君曾祖也祖添德父明以鄉貢
進士官監察御史陝西按察僉事配王氏生君年二十領
癸卯鄉薦甲辰省試第二 廷對 賜同進士出身授工
部都水主事督造淮安運舟改刑部陝西司調常州府通

判遷工部都水司主事督西浙水利以病告家居起為刑
部廣東司主事擢今官提督學政三年而卒初君侍父子
陝時方弱冠讀書怕達旦見者知為儒器及歸娶獨行親
迎禮泯俗咻之不顧父喪極哀毀內翰張公東白謂人曰
是子可以語道矣勵志問學能忘其貧文譽隱起比有祿
迎母親養 京師踰年母歿歸其喪葬之廬墓終制其督
漕舟處置得宜軍民稱便在刑部纔三月坐累當調外或
謂任淺宜自白君曰職旣在是即一日亦與有責敢獨免
乎言者愧服常州水政先諸郡工部侍郎徐公貫奉 勅
視水浙西君陳興革事皆見施行還 朝上君治狀遂有

工部之 命君既受 命亟陳水利六事 一曰設導河夫

二曰發濟農粟 三曰給脩閘錢 四曰開議水局 五曰重農

官選 六曰專農官任 鑿鑿皆經久計 朝議行其四事 君

巡行相度 雖極險遠 忘其勞 繪水道之圖 人謂之確集水

利之書 人謂之備其自著 又有事宜一編 皆行於時 及歸

大巖 下益事著述 提學 命下輿論 允協 君慨然以作人

為任 條教甚悉 大要本聖賢之學 而叅以時制 痛革浮靡

考校一斷 以公自謂 毀譽不入 請託不行 賄賂不通 聞者

以為不誣 甲子之試 凡中式者 皆公所擬 侍御包君澤 歎

服其精 而公不及見矣 君性方嚴 純正 平居寡言笑 在官

無貳志在家無嬉容友諸弟兼有情誼接人敬人亦敬之
臨事剛毅充其志雖死生在前弗顧也自始仕至卒每公
暇端坐手一編儼如儒生諸經書皆有辯論或欲更訂大
學章句公謂宜守程朱定本至其獨得時又自附當仁之
義非有識者不能深知也公所著有學齋吟藁文藁經記
惟說報德錄中庸本義諸書藏于家公之卒也其配樊安
孺携伯生歸試君以後事屬二三寮友殯斂周謹君子謂
君忠誠感人至是益驗云君生景泰乙亥五月二十三日
卒弘治甲子七月二十七日年止五十葬為正德丙寅十
月一日墓在邑河潭龍山之原子一即伯生孫一曰仲賢

銘曰刑名水利用儒為吏有餘地我著我書靜退之餘奮
共往如為君子儒湖南之教少徵儒效粹如其文於德有
唯充君所志當止於何考言較功其德孰多龍山之麓英
玉攸復我銘不磨中有貞玉

浙江圖書

浙
江
圖
書
館



浙 江 圖 書 館

福建等處提刑按察司僉事山南葉公墓誌銘

臨海王度撰

奉南葉公既沒且塋墓有宿草而不識是歲戊戌度以內
祭歸其子應魁持門人省元張君志淑所為狀乞銘其墓
前之石以度昔嘗獲交於公知公為深曰茲有待也則益
不敢辭按狀公諱忠字一之宋丞相夢鼎之裔有諱桂者
登淳祐進士徙邑之湧泉里元未有諱庚者為朝奉郎再
徙入城世居巾子山之南公因以為號云高大父仲安曾大
父渴俱以行誼重于鄉厥考時賢令寧化多惠政亦自寓
曰皆山翁配應夫人復有福德故公生而英敏不類凡兒

鄉先生器之後應庚午試果中第二辛未取進士授重慶推
官比之任檄署郡事郡適藍鄙之變特公以不恐時陝人
彭公澤公為總制一見稱為奇才檄致軍門議事壬申城
長壽以公董其役民謹趨之折獄不為深入用法之意而
弗撓訟䟽若流白晝宴坐老吏吐舌以為不及當道自總
制以下書最者比比既三年有詔檄取來京拜江西道監
察御史上䟽力勸武宗懋學端本任用老成言其懇切戊寅
奉命按治江西南四郡刈奸剔弊殛豪屏貪吳人士相顧
顏色以為數十年所為覩已郊宸濠變起遠近騷動公外
示安靜陰實為備五檄數百言誓死無二事定民為五祠

祀焉初車駕幸邊公即上疏願速回駕以慰中外之望不
報尋復南幸言者輒罷去公詣行在申前奏竟不之罪駕
幸金陵錫宴群臣親問葉忠何在時論榮之庚辰仍命按
治江西適皆山翁卒遂不果行今上龍飛之三年服闋詣
復補河南道御史兼署各道本科事一時重事多所取裁
於公尋以崇先之役公往監其工凡二年稽覈出納為國
惜財諸司無敢乾沒其間公內外敗歷後先無慮數十百
疏其允行者若蠲免江南水旱租稅之半放出高廬廢人
五百餘人放宮女百餘人詔捕貴戚萬言鄔景和家衆生
事者若干人訪拿妖僧師空降出內侍崔文等官俱人所

難言用是結之^知主上駸駸有大用意然自是衆亦忌之丁亥例當考察京官當道竟以中公上覽奏謂輔臣曰葉忠如何亦在此中命下留之前此未有也公感激勉出就職尋拜大理寺左寺丞寺之長樂清陳公璋老吏也凡遇重獄必注目問公以為何如已而大臣樹黨相傾言者復以前事中公公上疏力乞致仕上不允調福建按察僉事便道歸家遘寒疾弗治明年庚寅正月二十八日卒為正寢距其生成化壬寅八月三日也年四十有九而以娶陳氏繼娶金氏俱稱賢助生子四人長即應魁才識似公次應彥應舟應嘉文二人長適秦舉人鳴春次聘候巨都孫男

二人敏功敏學公宅心平實而多大節自布衣以至貴仕
行無二軌蚤年喪母應夫人哀慕弗能勝及居皆山翁喪
亦然獨廬墓側三年不至城府士執經問學者至日親課
焉惟不問家事所交多一時之名士若陽明王公守仁而
下若干人而力扶陽明於衆毀中其心誠謹矣所注有南
巡行臺諫垣等稿文學行業可以考見云嗚呼若公者其
所自擬與時注望視前輩聲實宜不足為而竟止是彼造
物者其於生財意何如也墓在城南章溪之山公所自營
也以卒之年十二月二十日塋焉銘曰巾山屹屹瞻者敬
止我之懷矣其室伊迓彼美皆山未倦而還厥子孔賢奮

事就功緒人無怨言出納禮部公廩上之至要下之則至
雜易怒善謗君處之靜胡番之使倚朝貢為干請叫謹撫
突不可折柔君處之又靜長貳倚信之獨不為立瓊臺所
知提學之薦出氣力過之瓊臺死君得提學璽書行事時
方募民兵求善脫者爭謀學籍龍門新寧設學求速化者
爭謀致廩貢謀倖鄉人謀教書溷人事襲往而有君處之
又靜準墨內寘而外居若愚通慇懃述勞績于大吏與稠
以廣衆爭是非訥如也辯析疑義論人物賢否天下古今
事得失如倒囊出物事主事吳安人至孝侍疾持喪情禮
懃盡尤注意如先割提學公費修濂溪祠進廖公子晦配

尊進呂公大臨道學傳真公德秀李公道傳何公基業公
士龍考亭淵源皆獨見也君諸生時對鄉賢策已為潘知
附舜絃所賞既釋褐位署益清力淹貫彭惠安公續莆誌
叅訂為多所著成書考亭淵源錄莆陽遺事莆陽舊時偶
錄莆陽科名志鄉賢考高科考宋氏族譜立齋閑錄未成
書宋行朝錄廣東通誌畧人物倫志天不假年五十五而
終弘治辛酉七月也又明年塋柯宅山嗚呼立齋不可見
矣墓之銘郡新志之傳黃未軒兩著之詳矣子元翰解元
復請表墓之石嗚呼固交遊事也嘗聞之狐溫百腋鷄舛
千蹠書求多文易大畜君子以多識綜博然乎茲文囿事

區宣閣而含聽記述之難也鍾期死伯牙絕絃匠石感獲
人之亡輟斤而不運知己之不可再也立齋蓋屢遇焉世
自有不死立齋何悲

浙江圖書館

明故奉政大夫脩正庶尹河南按察司僉事尹公墓誌銘

李東陽撰

嗚呼公之塋有日矣匪予小子曷宜為銘公於東陽為師
為父執為鄉先輩亦奚忍為公銘然非東陽誰知公者公
尹姓諱進字時勉揚州江都人考諱某從戎府軍居京師
家故貧公力學自振聰穎絕人書一再過輒成誦友有春秋
秘義假者不能得則以屬公公往與奕間一閱之復寘案
及歸輒錄授之數日而畢景泰庚午公以父役應試用書
經舉順天鄉薦登天順丁丑甲科拜戶部主事京廩有歲

穀甚夥掾吏窮日夜計總目以呈公素精筭學一布籌輒
取筆判曰差若干斛掾不服公教以捷法為部位使覆計
之果然中官共事者駭服乃一聽公所為莫敢扼聲籍籍
起儕輩間數年用吏戶二部薦擢河南按察僉事領南畿
江北屯田事事不稱力公嘗曰今官患冗如河南某事某
事皆專置以吾攝之足矣巡撫官知公才欲使鬻河南麥
于淮以利官需公謂非國大體且未必利畫一以陳再駁
再上辭氣剴切文義粲然巡撫亦名士得公議夜不能寢
然亦竟不行又有巡撫官欲薦公數公言藩臬間有謂公
者公愀然曰使某可薦則某不得與聞不可則不必言也

巡撫亦竟薦公不報公九載成績當受遷別其寮曰我休
矣入京移疾竟不至吏部或勸公出公曰吾早喪昆弟長
子又死使吾生行死歸亦焉用彼為哉蓋自河南已為是
言後愈執不變比入京居室甫定僅二載而卒論者皆歎
公之光幾也公風裁清拔論議鏘聳重名檢尚意氣子視
第任曲盡恩義不遺故交不陵小官自鄉黨僚屬暨大小
䟽戚同稱為賢以公之才視天下事殆無不可為者而竟
止是嗚呼其尚忍言哉公考贈承德郎戶部主事妣某氏
贈夫人娶焦氏贈安人繼王氏封安人子尚幼未名予名
之曰承女一適朱玉公年五十有四生以成化己亥十二

月六日明日東陽往哭又三日乃克殮十有九日執紼而
從公于墓其地曰某村在京城東八里銘曰

嗚呼先生有位與名不損

身則羸履良於亨澤壅

不行豈材弗能已焉哉嗚呼先生

浙江圖書

明故奉政大夫貴州等處提刑按察司僉事蕭公墓

碑銘

吳寬

成化辛丑工部員外郎常熟蕭公擢提刑按察司僉事提
學雲貴將受璽書以行有日笑適中人以私憾故總公於
上者賴 聖明保全與僉事貴州特罷提學當是時公已
邁疾便道行至家僅數日而卒是歲十月二十八日也年
五十三公諱奎字漢文姓蕭氏其先有諱某者從宋南渡
來常熟家焉三傳曰順之為公之曾祖祖曰安道業儒尤
精於地理家之說父鳳儀穎敏有文早世公生三歲而孤
母周氏守節鞠之而卒成立之者仲父鳳鳴也少入邑學

後以太學生中成化壬午順天府鄉試壬辰登進士第初授工部都水司主事督造運艦淮南三年考最獲贈父如其官母號安人迨還京復督修太倉尋陞負外郎公少喜問學晝夜刻厲人不能堪而愈久不懈竟以成名及居官尤稱勤敏工役紛紛未嘗以勞自弛於是吏部以公困於俗務非宜薦居外臺委以文學之任人方以為稱而公以剛直取怨幾陷於罪矣公平生事母甚孝仲父嘗患癰親為搥膿進藥左右扶持不踐寢室者踰月教其弟塾及其諸子嚴而有恩與人交重信義或其人雖死尤為致力以保護其家不已妻龐氏封安人和柔貞惠與公處甚宜而

撫其庶子綬緇維三人更慈安人生女一嫁趙金後公七年以某月某日卒年五十塋合公兆初公將卒語其弟若子宜求吾銘墓壆乃使人來請及是綬等復以書來曰吾母不幸又沒將塋矣惟憐而昇之予瞿然曰漢文吾知友也忍負其言終無銘以慰於地下乎銘曰學優而仕仕尼而止孰為之尼我惟剛直雖悔其才實彰其德驅車何遑我疾則纏歆之其然命也在天從我之先歸全斯阡

浙江圖書館

福建按察司僉事致仕進階朝列大夫蕭公墓誌銘

李東陽

海鈞蕭公既寢疾附戶部郎中王君蓋告訣于予未幾其子鳴鳳哀䟽至則奉治命請予銘予為之泫然以悲蓋自壬子之秋別于城南僧舍十五年于今矣嗚呼予乃竟為公銘和公諱顯字文明號履菴更號海鈞以山海衛學生舉天順乙卯鄉京闈第二試禮部輒弗利越十四年為成化壬辰乃得進士第甲午擢兵科給事中有武臣中官恬執求賞者公批奏尾駁其功坐是賈怨弗卹也涿州有巫矯和神自東方來京城男女爭負土為築祠宇公抗章劾

之并禁私翔菴觀等數事言極剴切留不報外間傳言禍
且不測忽 召至左順門令中官諭返之人始知其事後
數日詢之則巫已逐矣然權人 之不置辛丑遷鎮寧州
同知時方作草書手 其子趣治裝仍終始數紙

乃罷 寧非人所居

定衛居焉夷俗每獻饋流官

則喜拒則疑且 相我害公孫謝理諭皆敬服無敢怨者

越八年弘治戊申稍遷同知衢州府勾稽戎籍取非法刑

悉焚之而所得隱丁甚衆他

撫

附學舍士

之越

三年辛亥擢福建按察司僉事承

勅領

勸督交

呈民相卒輸納歲無

逋又一年

萬壽聖節入賀刑部

向八白公 歆有所為擬親戚有力者亦樂為之援公
不復顧戀上䟽徑歸數日而官命下乃治 與騷人

使 游衍其間有乞書千文者秉燭終卷遂

而賦

咏不輟乙丑 今天子即阼以恩進朝列大夫正德丙寅

十一月二十六日乃卒續未屬猶憂及時事且口占對句

課其孫其死至不亂如此距生宣德辛亥十二月十一日

壽七十六公德性醇德不篤妄言笑早失怙恃終身孝慕

事伯兄文清甚謹撫其孤引鳳為之婚娶比死又厚葬之

交交尚意氣久而不變當官盡職視患難苦所當得至于

幾先勇退順事正命尤士君子所難雖所蘊蓄未盡見于

世顧以劉文雲公為主司而得易魁以三原王公為吏部
而得薦為方面則其人可知已山海本用武地舉科第

皆自公始公詩清簡有思致所著海釣集鎮

歸田稿若干卷其為書尤沉著頓挫自成一家

徧天

下傳至外國後來者殆鮮及云公之先出

龍泉宋元

世多宦達鄉稱為蕭金紫家國初

戎籍逸山海祖諱成

不仕考諱福海贈徵仕郎兵科給事中妣曾氏贈孺人配

喬氏繼馮氏贈封皆孺人並有婦道子五鳴鳳得公學次

儀鳳得公書而鳴鳳久不售膺貢為國子生次翔鳳皆喬

出又次瑞鳳雲鳳出側室李氏女一適張指揮子塤孫三

大觀大升本衛學生次大臨女孫三一適李指揮子廷棟
一適胡指揮整一許嫁趙某曾孫一某群從孫為諸生者
尚數人喬孺人之壘予嘗為銘今公與兩孺人合壘于某
山之原則卯閏正月十六日也銘曰孰得之難弗患失和
孰進之難退乃亟和將里有先難後則獲和抑數有終信
而始則詘和不然何壽其身而復世其澤和觀德者盍以
世而不以日和

浙江圖書館

江西提刑按察司僉事楊君墓表

王鏊

楊世家麻城有諱真言者仕元為百戶領軍蒞蜀因家忠
州之鄴都至君五世矣君諱大榮字崇仁登景泰庚午四
川鄉試天順丁丑進士鄴都故無舉進士者士子誦習舊
文而已君始自出一家機軸作為文章聯收科第鄴人始
知嚮學君以進士授大理寺右評事讞獄明允廬陵王恭
毅長大理所屬無當其意者顧獨才君成化初詔大臣
各舉所知恭毅以君名上遂擢江西按察僉事會寧縣羅
萬珪等殺將吏將陷城邑衆愕貽無所出君督甲士擒萬

珪等七十人餘孽出沒南昌君戒其下密捕獲五十二人
又擒盜顧原一等三十五人脇從者一無所問南昌有盜
入權貴家弗得執平民數十人在獄君悉驅出之曰無以
民命事權勢衆不謂然未幾盜得衆乃服九江指揮李貴
嘯百戶田春嗾盜染春御史鍛成之春自誣服君知其寃
狀固爭之御史曰案成矣君為疏其寃狀於朝春等十七
人皆得釋江西俗健訟所至牒盈庭君據案剖決各馱其
意而去同列有忌之者媒孽於當道君因自劾去吏民數
千遮道乞留當道方思還之君曰尚可仕也乎哉竟去不
顧弘治甲寅八月日卒季七十有三君博學能文喜為詩

吏事无所長也顧以剛直不能與世俯仰坐是齟齬官不
甚遂其平生才志有不盡施者乎治天下者常患無才而
仕之抱才者常患於不用用矣復不盡此世之所同惜也
君之子孫多且賢孟瑛以進士為刑部主事文學政事迥
出輩類於戲君可謂有後矣其所未施者將亦有時而行
乎君之世家行歷吏部侍郎吳公已誌之予獨書其大者
揭之墓上昭示蜀之人墓在酆都龍亭山之原塋之日為

弘治八年月日

浙

浙江



浙江圖書館





浙江圖書館



浙江圖書館



浙江圖書館

浙江圖書館善本

甲登記號：006682

一九 年 月 日



浙江圖書館

colorchecker CLASSIC



xrite



mm

